



EM 2023/pkt. 134
17. oktober 2023
Asii Chemnitz Narup

Selskabslovip allangortinneratigut takornarialerinikkut, aalisarnikkut, sanaartornikkut, ussasaarutilerinikkullu suliffeqarfiit nunatta avataaniit pigineqartut immikkut allattorsimaffikkut nalunaarsorneqarsinnaalernissaannut periarfissat pillugit Naalackersuisut nalunaarusoqqullugit Inatsisartut aalajangiiffigisassaattut siunnersuut. Nalunaarussiaq UKA2024 nallertinnagu Inatsisartunut agguanneqasaaq.

(Inatsisartuni ilaasortaq Aqqalu C. Jerimiassen, Atassut)

Oqaaseqaat

Inuit Ataqatigiit Aqqalu C. Jerimiassen, Atassut aalajangiiffigisassatut siunnersuutaanut qutsavigaat.

Paasivarput inuussutissarsiutit aalajangersimasut sisamat iluini suliffeqarfiit/ingerlatseqatigiifit nunanit allaneersut immikkut nalunaarsorneqarsinnaalernissaat suliffeqarfiillu taakku sinneqartoorutaannit allatut iliorluni akileraartitsisarnikkut (ataasiartumik akiliutiteqartitsisarnikkut) nunatta annertunerusunik isertitaqarsinnaanissaata qulakkeerneqarnissaa siunnersuuteqartup kissaatigigaa.

Innuttaasunut, inoqarfinnut nunatsinnullu tamarmut ullumikkornit iluaqutaanerusunik aningaasaqarnermi siuariartornissamut pitsaanerungaartunik periarfissaqarnissamik isumaq Inuit Ataqatigiit isumaqatigaat.

Tamanna ilaatigut inuussutissarsiutinik ineriartortitsinikkut pissaaq.

Nunaqavissut aamma ingerlatseqatigiiffiit/suliffeqarfiit nunanit allaneersut siunissamissaaq ingerlatsilertarnissaat neriunarpoq, ingerlatsilernissarlu pilernartuussaaq.

Tassani akileraartarneq pillugu inatsisit allarpassuit akornanni sakkuupput pingaaruteqartut.

Akileraartarnermik aaqqissuusseqqinnermik suliaqarneq qaammatini arfinilingajanni ingerlareerpoq. Ataatsimiinnermi siullermili erseqissarneqarpoq

aaqqissuusseqqinnerup immikkoortuani siullermi sammisassaq tassaassasoq inuttussaasut akileraartitaasarnerat. Immikkoortup tullia tassaassaaq suliffeqarfiit/ingerlatseqatigiiffiit akileraartitaasarnerat.

Akileraartarnermik aaqqissuusseqqinnerup immikkoortunut aggulunneqarnera aaqqissuunneqarneralu iluarisimaarparput. Inuiaqatigiittut suliffeqarfinnut, nunatsinnersunut nunaniillu allaneersunut, akileraartarnermi atugassaqartitsinivut pillugit siunissamut qiviarluni oqalliseqataanissatsinnut isumaqatiginninni-aqataanissatsinnullu qilanaaraarput.

Naatsorsuutigaarput suliffeqarfinnik akileraartitsisarnerup aaqqissuuteqqinnis-
saanut suliaqarnissatsinnut Naalakkersuisut aggersaajumaartut innuttaasunut akileraaruseriaasissap nutaassap naammassineqarpat.

Suliffeqarfinnik nalunaarsuisarnermut malittarisassaqareerpoq. Taamaammat siunnersuuteqartup siunnersuummini tamanna ilanngummagu paasiumi-naatsipparput. Danskit Erhvervsstyrelsiata (inuutissarsiornermut aqutsisoqarfiata) CVR-imik taaguuteqartillugu nalunaarsuisitsisarpoq. Nalunaarsukkat taakku akornanni nassaassaapput suliffeqarfiit/ingerlatseqatigiiffiit nunat alamiut pigineqartut. Taamaammat isumaqanngilaq Naalakkersuisut nalunaarusioqqussallugit.

Ingerlatseqatigiiffinnut inatsisikkut sinaakutissaat Danmarkip suli akisussaaffigaa, takujuk Kalaallit Nunaanni Namminersorneq pillugu inatsimmi ilanngusami nalunaarsukkat II. Immikkoortoq 14.

Taamaammat ingerlatseqatigiiffinnut, naatsorsuuserisarnermut kukkuner-
uisarnermullu tunngasunut Naalakkersuisut misissueqqissaarnermik suliaqaaqquneqartut.

Inuit Ataqtigiit misissueqqissaarnerit inernerijumaagassai utaaqqimaarpat.

Siuliani oqaatigisagut tunngavigalugit aalajangiiffigisassatut siunnersuut akueringilarput.